


華魯盛典

卷十七

卷十八



幸魯盛典卷十七里游書三階著草三

衍聖公孔毓圻率五經博士孔毓埏等

皇子於德州叩請于

聖安請

皇太后安


皇皇太子安及請昂前

皇子安畢

皇子賜坐賜茶毓圻等叩謝訖即馳歸候於曲阜十

一月初三日壬寅

皇子至兗州府衍聖公孔毓圻率五經博士孔毓埏



等族屬各員五氏子孫迎於境本日對上
皇子抵曲阜縣城南安營先遣官分守曲阜縣城門
不許隨從人員入城騷擾毓圻等赴
皇子行營恭於

皇上欽頒祝文香帛前行三跪九叩頭禮畢又於

皇子前行二跪六叩頭禮

皇子賜衍聖公孔毓圻及五經博士孔毓埏太常寺
博士孔毓琮國子監博士孔尚任等飲茶畢毓圻
啓進家藏書畫家刻書籍及土產牲隻果蔬奉

皇子諭止收闕里誌書三部著草三束初四日癸卯

皇子在行營齋戒禮部太常寺官奉請

欽頒祝文香帛虔供於奎文閣上初五日甲辰

皇子在行營齋戒傳衍聖公孔毓圻博士孔毓埏孔
毓琮孔尚任等至行營

賜茶是日衍聖公孔毓圻率族屬各官會同禮部太
常寺官飭禮器演樂舞視濯具省牲牢拂拭陳設
咸遵舊典又設

皇子拜位於露臺之中又設

皇三子獻帛爵位於

神座前以候行禮初六日乙巳辰時

皇子皆蟒袍補服詣

聖廟行告祭禮至櫺星門下馬禮部侍郎席爾達內
務府郎中阜保引導入過奎文閣由大成門東偏
門入至大成殿前贊引官贊盥手

皇子俱盥手畢贊引官引至堵上行禮處站立典儀
官唱樂舞生就位執事者各司其事唱畢贊引官
贊就位

皇三子及

皇四子

皇八子各就位站立典儀官唱迎神唱樂官唱迎神

樂奏咸平之曲唱畢奏樂樂畢贊引官贊跪叩興
皇子俱行三跪九叩頭禮陪祀各官俱行三跪九叩
頭禮立典儀官唱奠帛爵行初獻禮唱畢捧香帛
爵各官俱恭捧就前向

神位站立唱樂官唱初獻樂奏寧平之曲唱畢奏樂
贊引官贊陞壇引

皇三子從東旁門入將至香案前司香官在香案左
邊跪贊引官贊跪

皇三子跪贊上香

皇三子接香盒往上拱舉仍遞與司香官

皇三子復立將柱香拱舉插爐內又將塊香三次拱
舉上畢捧帛跪贊引官贊跪

皇三子跪行一叩頭禮站立贊引官贊獻帛

皇三子將帛捧舉立獻贊引官引

皇三子至獻爵桌邊捧爵官跪贊引官贊獻爵

皇三子接爵拱舉立獻於案中畢行一跪一叩頭

禮贊引官贊詣讀祝位引

皇三子詣讀祝位讀祝官至祝文桌前行一跪三叩

頭禮畢將祝文捧起就前站立樂止贊引官贊跪

皇三子跪讀祝官陪祀各官俱跪贊引官贊讀祝讀

祝官讀

御製祝文

文載第一卷

讀祝畢捧舉祝文至獻帛案前

跪安盛帛匣內行一跪三叩頭禮退奏樂聽贊引
官贊時

皇三子行三叩頭禮陪祀各官俱行三叩頭禮畢站

立贊引官贊復位引

皇三子復位站立樂畢典儀官唱行亞獻禮唱畢捧

爵官捧爵就前向

神位站立唱樂官唱亞獻樂奏安平之曲唱畢奏樂

贊引官贊陞壇引

皇三子從東旁門入將至爵案前捧爵官跪贊引官贊跪

皇三子行一跪一叩頭禮贊引官贊獻爵

皇三子接舉立獻於左邊畢行一跪一叩頭禮贊引

官贊復位引

皇三子復位站立樂畢典儀官唱行終獻禮捧爵就

前過

神位向上站立唱樂官唱終獻樂奏景平之曲唱畢

奏樂贊引官引

皇三子從東旁門入過

神位至右邊將至爵案前捧爵官跪贊引官贊跪

皇三子行一跪一叩頭禮贊引官贊獻爵

皇三子接爵舉立獻於右邊畢行一跪一叩頭禮贊

引官贊復位引

皇三子復位站立樂畢典儀官唱徹饌唱樂官唱徹

皇饌樂奏咸平之曲唱畢奏樂樂畢典儀官唱送神

樂奏咸平之曲唱畢奏樂贊引官贊跪叩興

皇三子行三跪九叩頭禮陪祀各官俱行三跪九叩

頭禮禮畢立樂畢典儀官唱捧祝帛饌官恭詣燎

位唱畢捧祝帛香饌各官就前捧祝帛官行恭跪

三叩頭禮捧香僕官跪不叩起香僕各依序恭捧

由中門出正樂畢典司官即撤樂皇三子退就西邊站立祀帛僕香過畢復位站立焚

祝帛時贊引官贊禮畢贊禮畢皇子皆退出是日贊引官則贊禮郎法山吳達禪捧

爵帛官兼司拜褥則贊禮郎傅爾特太常寺博士

傅和禮張韜禮生司饗樂舞生奏樂用本廟樂

器樂章并冠服陪祭

皇四子

皇八子拜於堦上公福善額駙尚之隆副都統吳達

禪

禪

御前納爾泰

御前侍衛三十餘員禮部侍郎席爾達兵部侍郎朱都

納內務府郎中阜保工部郎中阿爾輝戶部員外

郎登德禮部員外郎晉布等及山東巡撫桑格東

奕道涂銓提學道米雯運使李興祖兗州府知府

祖允圖衍聖公孔毓圻五經博士孔毓埏太常寺

博士孔毓琮國子監博士孔尚任等率五氏有頂

帶官生皆拜於殿門之外祭畢

皇子就東齋房更衣復入

聖廟閱視工程內務府郎中阜保前導至大成殿
至聖神座前

皇子俱行三跪九叩頭禮畢前後閱視良久乃出本
日詣

孔林傳

諭曰

先師墓道不宜馳騁從官俱於林門外下馬

皇子至洙水橋下馬步行詣

先師墓前行三跪九叩頭禮禮部侍郎席爾達捧爵
皇子三酌酒行三叩頭禮諸大臣及衍聖公孔毓圻

等陪位行禮禮畢衍聖公孔毓圻啓曰伏覩前代
修葺廟庭經費多出諸有司制度或仍其故舊未
有

特發帑金十萬丹雘煥然聿新如今日者也前代告成
釋奠不過遣大臣行禮而已從未有

皇子親行百僚陪位禮明樂備萬姓聳觀如今日者
也伏惟

皇子行路風霜鞍馬勞頓願攀留一日少憩而行
皇子諭云未奉

父皇旨意不敢稽留遂行卽日

皇會盛典 卷十七
皇子至寧陽南驛下營衍聖公孔毓圻率五經博士
孔毓埏太常寺博士孔毓琮國子監博士孔尚任
等送至南驛

皇子賜坐賜茶

諭云初八日仲冬上丁

聖廟祀事重大爾等速回祭

廟不必遠送孔毓圻等叩謝馳歸初八日祭畢衍聖

公孔毓圻親赴

闕廷具疏謝

恩

孔子六十七代孫太子少師襲封衍聖公臣孔毓

圻謹

奏爲恭謝

天恩事康熙三十一年十月蒙

皇上以闕里

聖廟新成

特遣

皇子祭告恭賚

御頒祝文香帛于十一月初三日至闕里臣恭率五氏

官員及諸生人等迎于境上齋戒三日於初六日

辰時致祭于

聖廟臣率五經博士臣孔毓埏等曲阜縣知縣臣孔

興認等咸列陪位禮成謹望

闕叩頭謝

恩訖臣欽惟我

皇上

神靈天亶

智勇性成

日御講筵契詩書易禮春秋之奧

躬親庶政接堯舜禹湯文武之傳

德施遍于寰區既風移而俗易聲教訖于四海更近

悅而遠來

詔裁五色雲中垂萬年之金石

制定九重天上煥數仞之宮牆慶溢臣民歡騰裔嗣乃

聖心益隆俎豆而

寵光遂賁几筵當茲廟貌之維新爰舉

盛朝之曠典

特遣

皇子祭告

絲綸煥發于彤庭香帛遠頒乎闕里

皇子蕭膺祀事祿獻加虔升降從容欣覩素爛之大
禮始終恭恪共欽精白之淵衷維時風清雲朗日
麗星輝于金聲玉振之餘獲人豫神歡之慶凡夫
幽明交感莫非誠敬所孚快茲贊幣之追隨愜彼
闕橋之觀望臣竊惟歷代修廟工成祭告或遣禮
官或遣大臣從未有崇儒重道

皇子代祭如

今日者也仰惟

遣告之隆儀實屬振古之異數

臣遭逢盛事歡躍難名

感戴

天恩涓埃莫報伏願

金甌永固頌昇平于億萬年

玉燭常調卜昌熾以千百世爲此具本跪捧親賚詣

闕恭

謝謹具奏

聞康熙三十二年十一月初六日題十二月初五日奉
旨覽卿奏謝知道了該部知道

臣按古者有釁廟之禮謂作廟初成則升屋封牲
以釁之所謂血祭也不行久矣左傳下管新宮注
新宮逸詩篇名謂文王初作豐而考之或曰宮室

既成而飲酒以落之謂之考然春秋書考仲子之宮是廟亦有考蓋室成而落焉與廟成而祭焉皆可謂之考故唐顧况禱新宮詩亦以爲新廟成而考之然則廟成告祭其來也尚矣所以妥神靈而昭誠信也至於

聖廟告成必行釋奠然行事者不過主鬯之孫分符之吏明孝宗以建修孔子廟成特遣大學士李東陽行祭告之禮卽已當時侈爲盛事後世傳爲美談矣我皇上特發帑金鼎新修建旅楹松桷皆被

寵光恩至渥矣當大工旣成循例籲

恩部臣請照

文廟

傳心殿之例開列大臣恭候

欽點而

皇上乃

特命

皇子親行祭告

御製祝文

內頒香帛備極隆重及祭之日執事有恪禮度克嫻

對越之間恍聞胙蠻振古未見初自

聖朝園橋觀聽者不啻數萬人咸仰

皇上尊師之至

皇子將

命之恭益使

聖廟增光儒風振起唐哉皇哉非

大聖人其孰能行之至若

皇子經臨先期

傳諭自備日用不擾民間亦皆仰體

皇上愛民至意使燕齊千餘里之民不知有供億之煩

費而但頌典禮之禱皇且自慶其幸生

堯舜之世焉

幸魯盛典卷十七終

幸魯盛典卷十八

康熙三十八年己卯正月二十八日

上命內閣大學士伊桑阿阿蘭泰領出

御製

御書重修闕里

聖廟碑文口傳

上諭

聖廟告竣立碑事關大典仍著阜保帶鑿字人員前

往曲阜鑄碑阜保叩領即奏曰

皇上現今親閱河工令臣管理夫役臣願先屬

聖駕閱河俟

回鑿之日再往曲阜

上許之

先是重修

聖廟告成衍聖公臣孔毓圻疏請

御製碑文得奉

俞旨毓圻即親赴東山採取碑材斲磨成碑構亭覆之

以待

頒發刊刻

二月

上南巡至德州衍聖公孔毓圻五經博士孔毓埏叩迎

恭請

聖安

是月二十三日纂修官原任庶吉士臣孫致彌於

濟寧州叩迎

聖駕蒙

恩召對

皇上垂問修書之事致彌奏曰書稿已完因蒙

皇上重修

聖廟

恩旨許賜碑文未奉

頒發此書中未載此一篇

御製大文章所以未敢進呈

御覽奉

旨碑文已有回宮即發致彌叩謝而退

五月

皇上回鑾衍聖公孔毓圻五經博士孔毓埏迎

駕即扈送而北

皇上過先賢仲子廟

賜匾曰聖門之哲至東昌

賜衍聖公孔毓圻匾曰詩書禮樂五經博士孔毓埏匾

曰遠秀毓圻等叩領歸具疏謝

孔子六十七代孫太子少師襲封衍聖公臣孔毓

圻謹

奏為恭謝

天恩事臣濫膺世職恪守家法自愧庸陋無補

聖朝荷蒙

皇上殊恩下逮渥寵疊頒天高地厚莫能仰報乃者邊

隅永靖四海隆平

皇上復念黃淮巨浸未遂安瀾東南輿壤宜宣德惠

特舉時巡之典相視河淮巡行江浙

翠華所臨大小臣工億萬黎庶咸遂就日瞻雲之願

臣於五月初七日恭迎

聖駕祇候東昌府境蒙

賜御書詩書禮樂四字

龍蟠鳳翥煥如日星

光照淵源榮及宗世臣弟世襲五經博士臣孔毓埏亦

蒙

欽賜遠秀二字凌雲垂露超聖入神臣等何人叨此

異數謹率臣弟肅捧歸家擬鐫匾額以昭

曠資隨於路次望

闕叩頭謝恩訖領到

原賜字幅什襲敬藏以示子子孫孫永為珍寶理合

繕疏奏謝奉

旨覽卿奏謝知道了該部知道

十七日

皇上回宮旋

命內務府廣儲司郎中兼參領佐領阜保工部都水司

郎中紀養及內務府筆帖式王世遵工部筆帖式

岳色鐫碑人梅裕鳳等往曲阜刊刻是日設

御仗黃蓋鼓吹賚送

御製

御書重修

聖廟碑文赴闕里勒碑又奉

旨許阜保紀賽列名於碑陰以六月二十八日至曲阜

衍聖公孔毓圻率族屬纂修各官迎入

聖廟即日鈎勒起工八月

御碑成郎中阜保搨樣本進呈

御覽并恭繳

御筆十月

上命郎中阜保賚裝成

御書

聖廟碑文墨蹟一軸

特賜衍聖公孔毓圻

御碑以八月二十四日告成郎中阜保遵

旨先搨樣本進呈并繳

御書時衍聖公臣孔毓圻口奏

皇上御筆乃萬世之寶前者

御碑真蹟蒙

聖恩特賜與臣寵榮無極今次

御筆亦求

皇上特賜永爲子孫世守阜保爲之轉奏

上命以墨本交南書房校對以真蹟付養心殿裝潢用
寶

賜與毓圻又

賜梅裕鳳爲序班列名碑陰十月十八日至曲阜衍聖
公孔毓圻率族屬纂修各官郎中紀養等及序班

梅裕鳳皆叩迎謝

恩毓圻卽具疏奏謝

孔子六十七代孫太子少師襲封衍聖公臣孔毓

圻

奏爲恭謝

天恩事竊惟闕里

聖廟仰荷

聖恩重建復蒙

御製碑文

親灑宸翰

命內務府郎中兼佐領參領臣阜保工部郎中臣紀養

等齋捧前來監視鐫刻於康熙三十八年八月二

十四日告竣摹搨進呈恭繳

御書復蒙

皇上特用寶璽裝潢

命內務府郎中兼佐領參領臣阜保於十月十八日

頒賜到臣謹率臣弟世襲翰林院五經博士臣孔毓

璉並闔族官員人等郊外跪接到家恭設香案並

闔家老幼望

闕叩頭謝

恩訖臣欽惟我

皇上德懋義軒

治隆堯舜

作君宏作師之統化浹臣民

後聖合先聖之符心傳精一

念尊師而重道必隆禮而竭誠

親駐六飛

躬行九拜春生林廟澤被宮牆

御書遙映乎奎婁

華蓋增輝乎俎豆凡茲大典之規舉皆屬前代所未

聞

特發帑金重新

聖廟

簡近臣以董役夙夜惟勤稟

天語以鳩工經營盡善當

乘輿之臨幸已銘

聖製于穹碑及新廟之落成更播

天章於貞石闡聖賢之精義皆成帝典王謨發天地之

大文不異星紉雲爛遵道遵路胥瞻

皇極之光希聖希天共仰

宸修之粹

千言書就於頃刻掣電飛雲八法變通乎神明超今

邁古更濶良工摹勒備傳

御筆精神洵爲萬世鉅觀彌彰

九重曠典爰相度于大成門外仍位置於

幸廟碑西若日月之竝明榮光交映與乾坤而永奠

聖澤常新誠廟庭規見之殊恩而典冊莫傳之盛事也

何期恭繳

御書乃更仰叨

天眷特頒真蹟

寵錫微臣鈐以金泥彩煥螭蟠之璽裝來玉躐珍逾馬

負之圖琅軸精瑩如獻河宗瑞寶錦標璀璨疑分

織女杼機卷舒而色映雲霞瞻仰而光搖金碧殫

人工之巧藝成天府之奇珍誠乃振古莫儔豈特
當今罕觀恍如虹玉重臨闕黨之堂直比麟書更
吐昌平之里光榮已極抃舞難勝此皆仰荷我

皇上褒崇先聖垂有加無已之恩因而施及微臣膺過
分逾涯之寵臣敢不勉思祖德虔戴

君恩奉為宗祏珍藏重於車服永勗子孫世守寶過璠
璣仰惟高厚難名自愧涓埃莫報唯頌太平之有

象祝

聖壽之無疆而已奉

旨覽卿奏謝知道了該部知道

十一月十五日山東巡撫王國昌布政使劉暉署

按察使事青州道張聖猷東兗道傅作楫兗州府

知府李世敬通判許嗣華等恭詣闕旦瞻仰

御碑兼拜觀

御筆二十四日郎中阜保等賚奉

御碑搨本進京復

命

初郎中阜保奉

旨將

御碑搨二十本時方嚴冬或以冰凍皸痂為虞乃自十

日十九日始皆和風晴旭盎然春和搥紙上墨竝
得其宜每成一幅古香異采晃朗心目從來志先
銀鋌號爲珍奇者莫能望其萬一也至十一月十
八日始竣是夕卽微霰零而堅冰至矣

聖德感召先天而天弗違如此豈非

聖神功化之極哉阜保等乃什襲弄藏載以歸

獻於是衍聖公臣孔毓圻等巡撫臣王國昌等咸口

奏曰

皇上此碑乃亘古未有之異寶伏求

皇上特恩准臣等自備工料各搨一本奉以珍藏傳之

世世子孫永戴

天恩於罔極不勝激切屏營之至又纂修官候補內閣

中書臣叢克敬原任庶吉士臣孫致騫各恭進頌

聖詩文冊頁俱交阜保代奏十二月初五日阜保到京
奏

聞訖

臣按

先聖廟庭碑版林立然罕有出自九重者宋真宗一
贊未聞親書明代三碑雖云御製但多出詞臣
言至於揮毫則委諸中書而已我

三會盛典 卷十八
皇上心符

前聖天縱多能甲子冬

臨幸闕里

賜匾

賜詩皆杆軸于

聖衷揮灑於

御筆已爲古今曠典又

賜以廟碑皆

御製

御書更令奎壁增輝宮牆生色矣至於

聖廟鼎新紀厥成績衍聖公臣孔毓圻仰荷

天寵復丐

殊恩拜疏之餘實深悚息乃蒙我

皇上俯賜寬容曲垂優渥

重煥經天緯地之文

更運羲畫禹碑之筆

制作則典墳讓古

結構與造化爭奇猶窺天者時序改而日月長新

觀海然挹取多而淵源彌永殷殷乎重道尊

師之旨拳拳乎化民成俗之源大哉

王言洵足以超姚姒而軼羲軒矣臣民相慶或以得瞻

拜

天章而涵泳

聖澤懽怵踴躍不自知其手之舞之足之蹈之也至矣

盛矣茂以加矣

幸魯盛典卷十八終



